

Idioma ruso

O **ruso** (*русский* en ruso) ye una luenga eslava d'o grupo oriental parlada por 285 millons de personas prencipalment en Rusia y países de l'antiga URSS. Ye a luenga eslava mas parlada, perteneixindo por tanto a o grupo d'as luengas indoeuropeas. A partir d'o sieglo X en trobamos as primeras restas d'escritura. Encara que conserva a majoria d'a estructura comuna d'as parolas eslavas, o ruso modern contiene una gran cantidat de vocabulario d'orichen internacional por a politica, a sciencia y a tecnolochía. Estió una luenga d'importancia politica en o sieglo XX, estando un d'os idiomas oficials d'as Nacions Unidas.

O ruso ye o idioma mas estenso cheograficament d'Eurasia, asinas como o idioma nativo mas gran d'Europa, con una estimación d'entre 150 y 180 millons de parlants nativos, que lo sitúan como o sieteno idioma mas parlau en o mundo por numero de parlants nativos. Asinas mesmo sería (en 1997) o quarto idioma por numero total de parlants.^[1]

O ruso s'escribe con una versión moderna de l'alfabeto cirilico, que ye composau por 33 characters. Iste alfabet fue ideyau entre os sieglos IX y X a partir de l'alfabeto griego. Actualment, ye l'alfabeto común d'as luengas eslavas y tamién lo utilizan atras luengas.

Ye un idioma oficial a Rusia, Belarrusia, Kirguizistán, Cazaquistán, Abkhasia y Osetia d'o Sud; y d'amplo uso en Ucráina (luenga materna d'un 52% d'a suya población), Estonia y Letonia (que tienen entre un quarto y un tercio de población rusoparlant) y *de facto* oficial en Transnistria (rechión de Moldavia). Amás, ye un d'os seis idiomas oficials d'a ONU. Ye parlau tamién por importants sectors d'a población d'as atras nacions que bella vegada han perteneixiu a la Unión Sovietica.

A educación en ruso ye encara una opción freqüent pa muitos d'os nativos u estudiants de ruso en muitas d'as antigas republicas soviéticas. O 97% d'os estudiants d'educación publica en Rusia, 75% en Belarrusia, 41% en Cazaquistán, 24% en Ucráina, el 23% en Kirguizistan, 21% en Moldavia, 7% en Azerbaichán y 5% en Cheorchia reciben todas u a mayoría d'as clases en ruso. A luenga estándar ye basada en o dialecto moscovita.

Ruso

русский

Parlato en: Rusia y otros países d'a Comunidat d'Estados Independients

Territorios: Rusia

Parladors: 285 millons

Clasificación: 7

Filiación: Indoeuropea

Eslava
Oriental
Ruso

Estatus oficial

Luenga oficial en:  Rusia
 Belarrusia
 Cazaquistán
 Kirguizistán.

Regulato per: Academia Rusa d'as Ciencias (*Российская академия наук*)

Codigos

ISO 639-1 ru

ISO 639-2 ruso

SIL ruso (http://www.ethnologue.com/show_language.asp?code=ru)



Estensión d'o Ruso

As luengas mas pareixidas a o ruso, lingüisticament parlando, son o belorruso y l'ucrainés, luengas con as que forma a branca oriental d'as luengas eslavas.

Contenius

Clasificación

Distribución cheografica

Oficialidat

Dialectos y luengas relacionadas

Historia

Escritura

Ortografía

Alfabeto

Fonetica

Gramatica

Patronimicos

Vocabulario

"Русский" u "русский"

Referencias

Se veiga tamién

Vinclos externos

Clasificación

O ruso ye un idioma eslavo, d'a familia indoeuropea. Si nomás paramos cuenta en a parla, as luengas mas pareixidas son o belorruso y l'ucrainés, as atras luengas nacionals en o grupo eslavo oriental.

O vocabulario basico, a morfolochía y o estilo literario han estau influyius por o eslavo eclesiastico, luenga d'o grupo eslavo meridional que yera emplegada por a Ilesia Ortodoxa rusa. Por ixo, gran parti de l'actual vocabulario literario ye mas pareixiu a o bulgaro que a l'ucrainés u a o belorruso. Manimenos, as formas d'o eslavo oriental remanen en os diferents dialectos, resultando que en determinaus casos s'usan as dos formas, con sentius licherament diferents.

Distribución cheografica

O ruso se parla mas que mas en Rusia y, en menor mida, en os atros países que facioron parti d'a URSS, asinas como en Mongolia. Dica l'anyo 1917, yera l'unico idioma oficial d'o Imperio Ruso. Dende o periodo sovietico, fluctua l'actitut debant d'as luengas d'as atras etnias. Encara que cada una d'as republicas sovieticas teneba a suya propia luenga oficial, o prestichio inicial fue reservau a o ruso. Dimpués d'a desintegración en 1991, as nacions nuevament independents han promoviu as suyas luengas nativas. Ixo ha fomentau a disminución d'o conoiximiento d'o ruso en bellas nacions, encara que remane como idioma d'intercambio politico y economico en a rechión.

En Letonia o suyo reconoiximiento oficial y a suya legalitat en as aulas ha estau un tema de debat important en un país a on mas d'un tercio d'a población parla ruso, mas que mas entre os que emigroron dimpués d'a Segunda Guerra Mundial dende Rusia u atras partis d'a URSS (Belarrusia, Ucraína). De manera pareixida, en Estonia os immigrants d'a epoca soviética y os suyos descendients constituyen alto u baixo a quarta parti d'a población actual. Respecto a Lituania, una población muito menor de parla rusa ha estau asimilada dimpués d'a independencia y actualment representa menos d'una decena parti d'a población total d'o país.



En azul fosco países a on o ruso ye oficial

En o sieglo XX, o ruso fue amostrau a sobén en as naciones comunistas de l'antigo Pacto de Varsovia y en otros países satélites, como Polonia, Bulgaria y Checoslovaquia. Manimenos as cheneracions mas chovens no lo dominan, ya que o ruso no ye obligatorio en o suyo sistema educativo.

En Israel viven bells 750.000 immigrants chodigos de l'antiga URSS, y a prensa israelí a sobén publica en ruso. Centenars de mils de personas de parla rusa tamién viven en America d'o Norte y Europa Occidental. En cheneral, os descendients d'os emigrants pierden a parla rusa antis d'a quarta cheneración. As comunidatz rusoparlants en Europa Occidental fan un total d'alto u baixo 3 millons.

D'antis mas os descendients d'emigrants rusos tendeban a perder o idioma en a tercera cheneración. En l'actualidat, dada a facilidat de viachar y l'acceso a la TV y pachinas web rusas, ye probable que sobreviva mas tiempo.

Población aproximada de parlants de ruso:

Fuent	Parlants nativos	Posición	Parlants en total	Posición total
G. Weber, "Top Languages", <i>Language Monthly</i> , 3: 12-18, 1997, ISSN 1369-9733	160.000.000	7	285.000.000	4
SIL Ethnologue	167.000.000	7	277.000.000	5

Oficialidat

O ruso ye a luenga oficial de Rusia y una d'as luengas oficials de Belarrusia, Cazaquistán, Kirguizistán, Abkhasia y Osetia d'o Sud y no tien estatus oficial, pero ye luenga oficial *de facto* en "Republica Moldava de Transnistria".

Ye un d'os seis idiomas oficials d'as Nacions Unidas.

A educación en ruso ye encara una opción popular pa muitos d'os nativos u estudiants de ruso en muitas d'as antigas republicas soviéticas. O 97% d'os estudiants d'educación publica en Rusia, 75% en Belarrusia, 41% en Cazaquistán, 24% en Ucraína, 23% en Kirguizistán, 21% en Moldavia, 7% en Azerbaichán y 5% en Cheorchia reciben todas u a mayoría d'as clases en ruso.

Dialectos y luengas relacionadas

A tamás d'a igualación a partir de 1900, mas que mas respecto a o vocabulario, existe un gran numero de dialectos en Rusia. Bells lingüistas dividen os dialectos d'o ruso en dos grupos rechionals prencipals, o "norte" y o "sud", con Moscú como zona de transición entre os dos. Atros lo dividen en tres grupos: "norte", "central" y "sud", con Moscú en o grupo central. Os dialectologos reconoixen en Rusia dotzenas de variedatz menors.

Os dialectos d'o norte tienen como característica mas notable a pronunciación clara d'o fonema /o/ en posiciones atonas, fenomen denominau *ókanie* (оканье), mientras que en os accentos d'o sud, incluyendo-ie Moscú, pasa a pronunciar-se /Λ/. Asinas mesmo, en l'accento d'o sud se palataliza o fonema /t/ en posició final y s'aspira o fonema /g/, que pasa a pareixer-se mas a o fonema /h/. Tamién son istas características comunas con l'ucrainés moderno, lo que indica a influencia entre os dos.



Mapa dialectal d'o ruso

Entre os primers en estudiar a dialectolochía rusa estió Mikhail Lomonosov en o sieglo XVIII. En o sieglo XIX, Vladimir Dal replegó o primer diccionario que incluyiba vocabulario dialectal. O estudeo detallau d'os dialectos d'o ruso prencipió en primerías d'o sieglo XX. Cal destacar-ne l'Atlas Dialectolochico d'a Luenga Rusa (Диалектологический атлас русского языка), publicau en tres volumens entre 1986 y 1989, dimpués de quatre decadas de treball.

Bi ha una serie d'idiomas que derivan d'o ruso:

- Fenia u fenka, un argot criminal d'orichen antigo, con a gramatica rusa pero con vocabulario diferent.
- Surzhyk, ye una luenga con muita mescla d'ucrainés y ruso, parlada en bellas zonas rurals d'Ucráina.
- Trasianka, ye un mesclallo de ruso y belorruso emplegau por un gran porcentache d'a población rural en Belarrusia.
- Russenorsk, yera una luenga muit peculiar ya desapareixida, que emplegaba vocabulario ruso y gramatica noruega. La feban servir pa comunicar-sen os rusos y noruegos de Svalbard y a península de Kola.

Historia


A historia d'o ruso se puet dividir en as siguients etapas:

- Orichens
- O periodo d'a Rus de Kiev (siegllos IX y XI). A Rus de Kiev u o Estau Ruso antigo estió o primer estau eslavo oriental, gubernau dende a ciudat de Kiev, actualment Ucráina, dende alto u baixo l'anyo 880 dica metat d'o sieglo XII. Os reinaus de Vladimir I de Kiev (980-1015) y o suyo fillo Yaroslav I (1019-1054) estioron a edat d'oro de Kiev, que veyió l'acceptación d'o cristianismo ortodoxo y a creyación d'o primer codice legal escrito en luenga eslava, o *Rúskaia Pravda*. A Rus de Kiev yera o estau europeu mas gran en a Edat Meya.
- A ruptura feudal (siegllos XII a XIV)
- O periodo d'a Rus Moscovita (siegllos XV a XVII)
- O Imperio (siegllos XVIII y XIX)

■ Era soviética y época actual (desde el siglo XX)

Si se juzga por los registros históricos, en primerías d'o siglo XI, o grupo que predominaba sobre a mayoría d'as modernas Rusia europea, Ucrania y Belarrusia yera a branca oriental d'os eslavos, que parlaban una serie de dialectos muit relacionaus entre si. A unificación política d'a rechió en a Rus de Kiev, d'a que tanto Rusia como Ucrania s'orichinoron, fue continuada poco dimpués por l'adopció d'o cristianismo en l'anyo 988 y o establimento d'o eslavo eclesiástico antigo como luenga liturchica y literaria. Estió en ista época quan os ampres y calcos d'o griego bizantino prencipioron a dentrar en a luenga vernacula, y simultaniament o lenguache literario prencipió a modificar-se pa pareixer-se mas a o eslavo oriental.

A diferenciación dialectolochica s'acceleró dimpués d'a ruptura d'a Rus de Kiev en 1100, y con a conquista mongola d'o siglo XIII. Dimpués d'a deseparación d'o chubo tarte en zaguerías d'o siglo XIV, o centro político y lingüístico d'a Rusia europea se tresladó enta Moscú. Bi ha bell consenso sobre o feito de que o ruso y l'ucrainés se pueden considerar idiomas diferents dende alavez. Dica zaguerías d'o siglo XVII un derivau d'o eslavo eclesiástico estió o idioma oficial, pero, a tamás d'os intentos d'estandarización, por personaches como Meleti Smotritski (circa 1620), a suya integridat ya yera alavez en risgo debiu a la incipient literatura seglar.



Manuscrito ruso antigo

As reformas políticas de Pero lo Gran fueron acompañadas por una reforma de l'alfabeto, y s'aconseguió l'obchectivo de secularización siguiendo o modelo occidental. Grans cantidatz de vocabulario especializau se ficoron en o ruso procedents d'Europa Occidental. En 1800, una parti significativa de l'aristocracia parlaba diariament francés, y en menor mida alemán. O lenguache literario moderno se considera que data d'a época d'Aleksandr Puixkin en o primer tercio d'o siglo XIX.

A inestabilidad política de primerías d'o siglo XX y os cambeos radicals d'ideyolochía política le'n dioron a o ruso escrito l'apariencia moderna dimpués d'a reforma ortografica de 1918. As circunstancias políticas y os exitos sovieticos en as arias militar, científica y tecnolochica (mas que mas en a cursa espacial) facioron que o ruso adhubise un gran prestichio internacional, encara que a vegadas de manera resentida.

Dimpués d'o colapso d'a URSS en 1990-1991, a moda por o estilo occidental, a incertidumbre económica y as dificultatz con o sistema educativo fan que siga inevitable un rapido cambeo en o idioma. O ruso de hue ye una luenga en ebullición.

L'anyo 2007 fue designau como "Anyo Internacional d'a Luenga Rusa".^[2]

Escritura

O ruso s'escribe con l'alfabeto cirílico. Actualment consta de 33 caracteres, 31 d'os qualos son fonemicos y 2 en son signos. A luenga rusa fa servir de feito dos versions d'iste alfabeto, una mecanografiada y l'altra ligada, que s'emplega quan s'escribe a mán. Ista dos versions presentan bellas esferencias notables.

<u>А</u>	<u>Б</u>	<u>В</u>	<u>Г</u>	<u>Д</u>	<u>Е</u>	<u>Ё</u>	<u>Ж</u>	<u>З</u>	<u>И</u>	<u>Й</u>
<u>/a/</u>	<u>/b/</u>	<u>/v/</u>	<u>/g/</u>	<u>/d/</u>	<u>/je/</u>	<u>/jo/</u>	<u>/z/</u>	<u>/z/</u>	<u>/i/</u>	<u>/j/</u>
<u>К</u>	<u>Л</u>	<u>М</u>	<u>Н</u>	<u>О</u>	<u>П</u>	<u>Р</u>	<u>С</u>	<u>Т</u>	<u>У</u>	<u>Ф</u>
<u>/k/</u>	<u>/l/</u>	<u>/m/</u>	<u>/n/</u>	<u>/o/</u>	<u>/p/</u>	<u>/r/</u>	<u>/s/</u>	<u>/t/</u>	<u>/u/</u>	<u>/f/</u>
<u>Х</u>	<u>Ц</u>	<u>Ч</u>	<u>Ш</u>	<u>Щ</u>	<u>Ъ</u>	<u>Ы</u>	<u>Ь</u>	<u>Э</u>	<u>Ю</u>	<u>Я</u>
<u>/x/</u>	<u>/ts/</u>	<u>/tʃ/</u>	<u>/ʃ/</u>	<u>/ʃ/</u>	<u>/ʲ/</u>	<u>/ɨ/</u>	<u>/ɨ/</u>	<u>/ɛ/</u>	<u>/ju/</u>	<u>/ja/</u>

Bi ha antigas letras que han estau abolidas pero que pueden apareixer en bellas edicions, como Ъ /ě:/ u /e/, Ѣ /i/ y Ѥ /ja/ u /j a/. Os yers, u signos duro y blando respectivament Ѣ y Ѥ orichinalment correspondeban a os fonemas ultrabreus / u / y / j /, respectivament.

Pa situacions u entornos en que no siga posible fer servir l'alfabeto cirilico, ye habitual l'uso d'os sistemas de romanización.

Ortografía

A ortografía d'o ruso reflecta con relativa fidelidat l'articulación d'os fonemas si bien, como a mayoría d'as luengas vivas, tien bells puntos controvertius y inconsistencias. A ortografia actual ye basada en a gran reforma de 1918 y en a codificación final de 1956. Se proposó una reforma en 1964, pero no estió bien acullida y a la fin no s'adoptó.

A puntuación, orichinalment basada en o griego bizantino, se cambeó mientres os siglos XVII y XVIII con a influencia de l'alemán y o francés.

Alfabeto

*Ta más detalles, veyer l'articulo **alfabeto ruso**.*

L'alfabeto ruso ye o siguient:

Mayuscula	Minuscula	Nombre	Nombre antigo ¹	<u>SAMPA</u>	Eixemplo	Valor numerico 19	Metodo abreviau
A	a	а [a]	азъ [as]	/a/	a de pa	1	U+0410 / U+0430
Б	б	бэ [bɛ]	буки ['bu.kʲɪ]	/b/ u /bʲ/	b de B arcelona	-	U+0411 / U+0431
В	в	вэ [vɛ]	вѣди ['vʲe.dʲɪ]	/v/ u /vʲ/	v como en francés <i>voiture</i>	2	U+0412 / U+0432
Г	г	гэ [gɛ]	глаголь [glʌ'golʲ]	/g/	g de g ato	3	U+0413 / U+0433
Д	д	дэ [dɛ]	добро [də'bro]	/d/ u /dʲ/	d de d ido	4	U+0414 / U+0434
Е	е ⁴	е [jɛ]	есть [jɛstʲ]	/jɛ/ u / jɛ/	ye de Y emen	5	U+0415 / U+0435
Ё	ё ^{4,7}	ё [jo]	-	/jo/ u / jo/	yo de y ogurt	-	U+0401 / U+0451
Ж	ж	жэ [zɛ]	живѣте [zʲɪ'vʲe.tʲɪ]	/z/	g como en catalán G irona	-	U+0416 / U+0436
З	з	зэ [zɛ]	земля [zʲɪ'mlʲɪa]	/z/ u /zʲ/	z como en italiano z aino	7	U+0417 / U+0437
И	и ⁴	и [i]	иже ['i.zʲɪ]	/i/ u / ji/	i de Figu <u>e</u> ruelas	8	U+0418 / U+0438
Й	й	и краткое [i 'kra.tkəjɪ]	и съ краткой [i s 'kra.tkəj]	/j/	i breu como rei	-	U+0419 / U+0439
К	к	ка [ka]	како ['ka.kə]	/k/ u /kʲ/	c de C alatayú	20	U+041A / U+043A
Л	л	эль [ɛlʲ]	люди ['lʲu.dʲɪ]	/l/ u /lʲ/	l de lo <u>ch</u> ica	30	U+041B / U+043B
М	м	эм [ɛm]	мыслѣте ['mʲɪ.slʲɪ.tʲɪ]	/m/ u /mʲ/	m de M adrit	40	U+041C / U+043C
Н	н	эн [ɛn]	нашъ [naʃ]	/n/ u /nʲ/	n de N oguera	50	U+041D / U+043D
О	о	о [o]	онъ [on]	/o/	o de o nso	70	U+041E / U+043E
П	п	пэ [pɛ]	покой [pʌ'koj]	/p/ u /pʲ/	p de P ireneu	80	U+041F / U+043F
Р	р	эр [ɛr]	рцы [rtsʲɪ]	/r/ u /rʲ/	r vibrant como R oma	100	U+0420 / U+0440
С	с	эс [ɛs]	слово ['slo.və]	/s/ u /sʲ/	s como en s aco	200	U+0421 / U+0441

Т	т	тэ [tɛ]	тврдо [tv ^j ɛ.rdə]	/t/ u /t ^j /	t de Tarragona	300	U+0422 / U+0442
У	у	у [u]	укъ [uk]	/u/	u de solucióн	400	U+0423 / U+0443
Ф	ф	эф [ɛf]	фертъ [f ^j ɛrt]	/f/ u /f ^j /	f de Fanlo	500	U+0424 / U+0444
Х	х	ха [ha/ja]	хѣръ [x ^j ɛr]	/h/j/	h muit aspirada, como halar	600	U+0425 / U+0445
Ц	ц	цэ [tɛ]	цы [tɕ]	/ts/	ts como o plural benasqués en ciudats	900	U+0426 / U+0446
Ч	ч	че [tɛɛ]	червь [tɕerv ^j]	/tɕ/	ch de Chaca	90	U+0427 / U+0447
Ш	ш	ша [ʂa/sh]	ша [ʂa]	/ʂ/sh	ix de baixar	-	U+0428 / U+0448
Щ	щ	ща [ɕ : a/chsh]	ща [ɕtɕa]	/ɕ : /	s+ix larga	-	U+0429 / U+0449
Ъ	ъ	твёрдый знак [ʼtv ^j o.rdəj 'znak]	ерь [jer]; <u>Yer</u>	Note ²	-	-	U+042A / U+044A
Ы	ы	ы [ɨ]	еры [ʼjɛ.rɨ]	/ɨ/ ⁵	i de isla	-	U+042B / U+044B
Ь	ь	мягкий знак [ʼm ^j æk ^j ɪ 'znak]	ерь [jer ^j]	/ɨ/ ³	-	-	U+042C / U+044C
Э	э ⁶	э (э оборотное) [ʼɛ (ɛ ə.bl'ro.tnəjɪ)]	-	/ɛ/	e de dentrar	-	U+042D / U+044D
Ю	ю	ю ⁴ [yu]	ю [yu]	/yu/ u / ɨu/	yu de Yugoslavia	-	U+042E / U+044E
Я	я ^{4,16,17}	я [ya]	я [ya]	/ya/ u / ɨa/	ya de yaya	-	U+042F / U+044F
Letras eliminadas en 1918:							
І	і ⁸	-	і десятиричное [i]	/i/ u /ɨi/	como Irene	10	-
Ө	ө ⁹	-	өита [f ^j ɪ'ta]	/f/ u /f ^j /	como feito	9	-
Ѣ	ѣ ¹⁰	-	ятъ [jæt ^j]; <u>Yat</u>	/jɛ/ u / ɨɛ/	como e	-	-
Ѳ	ѳ ¹¹	-	ижица [ʼi.ʒɨ.tsə]	/i/ u /ɨi/	como и	-	-
Letras en desuso antis d'o sieglo XVIII ¹⁸							
З	з ¹⁴	-	зѣло	/dz/, /z/	como з	6	-

			[ʰzʲɛ.lə]	u /zʲ/			
џ	џ ¹²	-	кси [ksʲi]	/ks/ u /ksʲ/	como кс	60	-
ψ	ψ ¹²	-	пси [psʲi]	/ps/ u /psʲ/	como пс	700	-
ω	ω ¹³	-	омега [ʌ'mʲɛ.gə]	/o/	como о	800	-
Ѱ	Ѱ	-	юсь большой [ʲus bʌlʲʲ'ʂoj], Yus	/u/,/ju/ u /ʲu/ ¹⁵	com i o ю	-	-
ѱ ¹⁵	ѱ ¹⁵	-	юсь малый [ʲus 'mʌ.lɛj]	/ja/ u / ʲa/ ¹⁶	como я	-	-
Ѳ	Ѳ	-	юсь большой йотированный [ʲus bʌlʲʲ'ʂoj jʌ'tʲi.rə.vən.nɛj]	/ju/ u / ʲu/ ¹⁵	como ю	-	-
ѳ	ѳ	-	юсь малый йотированный [ʲus 'mʌ.lɛj jʌ'tʲi.rə.vən.nɛj]	/ja/ u / ʲa/ ¹⁵	como я	-	-

Fonetica

O sistema fonolochico d'o ruso ye un herencio d'o eslavo común, pero tenió un gran numero de cambeos en as suyas primeras etapas historicas, antis d'establrir-se de manera global arredol d'o sieglu XV. Os diferents dialectos pueden amostrar variacions radicals en a fonetica. O ruso se caracteriza por una asimilación retrograda de sonorización y de palatalización.^[3]

O idioma tien cinco vocals, a las que a la vegada les corresponden dos letras a cadaguna, pendendo de si palatalizan a la consonant previa u, en contextos d'inicio de parola, si presentan un apendiz palatal articulau como /j/. As consonants, asinas mesmo, pueden clasificar-se en parellas seguntes se reyalicen palatalizadas u no pas. A luenga estándar, basada en o dialecto moscovita, tien un accento prosodico muit cerenyo y una modulación moderada d'o tono (que manimenos, no actúa como diferenciador lexico). As vocals tónicas s'alargan dica cierto punto en bells contextos fonolochicos y seguntes as necesidatz expresivas y entonacions, mientras que as vocals atonas tienden a reducir-se a una *schwa* (como a vocal neutra d'o catalán oriental). Os grupos consonanticos de tres u mas elementos gosan simplificar-se.

As consonants sonoras (/b/, /bʲ/, /d/, /dʲ/, /g/, /v/, /vʲ/, /z/, /zʲ/, /ʒ/, i /ʒʒ/) se fan xordas a la fin d'a parola, a menos que a proxima parola prencipie con una sonora obstruiva.^[4] A consonant /g/, amás de fer-se xorda, se lenifica a [x].

O ruso permite agrupacions de consonants. Belunas, como en встретить [fstɾʲ etʲ ɪtʲ] (*trobar-se con*), pueden tener dica quatre segmentos. As agrupacions de quatre consonants son posibles, pero no guaire comuns, mas que mas en un morfema.^[5] Bellas agrupacions potencials son tamién suprimidas. As oclusivas dentals brincan entre una continuant dental y una nasal dental como en лестный ['lʲɛsnɛj] ("laminaculos").

Gramatica

*Ta más detalles, veyer l'articulo **gramatica rusa**.*

O ruso ha conservau una estructura indoeuropea flexiva, encara que s'ha libelau considerablement. As características se pueden resumir en:

- Morfolochía altament flexiva.
- Una sintaxi que, en o lenguache literario, ye a fusión conscient de tres elementos
 - Un orichen vernaclo.
 - O herencio d'a luenga liturchica d'a llesia Ortodoxa.
 - Estilo europeu occidental.
- A luenga parlada ha estau notablement influyida por a literaria, pero conserva formas características. Os dialectos tienen muitos elementos gramaticals que no son estandars, d'os que beluns en son arcaismos ya descartaus por o lenguache literario.

A declinación nominal ye subchecta a seis casos (nominativo, chenitivo, dativo, acusativo, instrumental y locativo u preposicional) y a dos numers (singular y plural), que obedeixen siempre a un chenero gramatical (masculín, femenín y neutro). Se conserva una forma vocativa pa parolas y nombres de procedencia relichiosa, como por eixemplo Боже /boʒə/ "Dios". Os adchectivos, pronombres y os dos primers numers cardinals varian de chenero. O ruso antigo teneba un tercer numero, o dual, pero s'ha perdiu tot ramo d'o suyo uso en os casos nominativo y acusativo pa os numers dos, tres y quatre (два стула /dva stula/, "dos siellas", recategorizau hue como un chenitivo singular). En ruso bi ha tres tipos de declinacions. A primera s'emplega pa os substantivos masculins y neutros. A segunda declinación pa la mayor parti d'os substantivos femenins y la tercera s'emplega con os substantivos femenins remataus en ь y os neutros remataus en мя.

A conchugación verbal s'estructura con tres personas en dos numers y tres tiempos simples (presente, futur y pasau) con formas perifrasticas pa o futuro y subchuntivo, asinas como formas imperativas y participios de present y pasau distinguus por l'uso adchectivo u adverbial. Existen dos voces: a voz activa y a pasiva, que se construyen adhibindo un sufixo reflexivo (-ся/-сь) a la forma activa. Un rasgo intresant ye que o tiempo pasau se construye por concordar en chenero con o subchecto, ya que ye o participio d'un tiempo perfecto orichinalment perifrastico formau con o present de быть /bɪtʲ/ "ser", que en l'actualidat s'omite por un rarizo efecto arcaico, por un regular en frases feitas (откуда есть пошла русская земля - "d'on ye venida a tierra rusa").

No existen articlos, ni determinaus ni indeterminaus. O sentiü d'un substantivo se determina por o contexto en que apareixe, y os adchectivos concuerdan con os substantivos que modifican en chenero, numero y caso.

Patronimicos

Os rusos tienen un nombre patronimico composau por o nombre de pila d'o pai mas os sufixos *-ovich* (-ович) u *-evich* (-евич), que significan "fillo de". O equivalent pa las mullers son *-evna* (-евна) o *-ovna* (-овна), "filla de". D'atra man, en l'apelliu d'a familia bi ha distinción entre hombre y muller: *-ov* (-ов) u *-ev* (-ев) pa os hombres y *-ova* (-ова) u *-eva* (-ева) pa las mullers. Por eixemplo: Fyodor Mikhailovich Dostoyevsky (fillo de Mikhail) u Janna Vladimirovna Kopilova, filla de Vladimir; Dmitri Yurievich Ivanov (fillo de Yuri Ivanov, masculín) u Yekaterina Yurievna Ivanova (filla de Yuri Ivanov, femenín).

Vocabulario

O numero total de parolas en ruso ye dificil de calcular debiu a l'habilitat d'aglutinar y de creyar multiples compuestos, diminutivos, etc.

Como ilustración se listan contino o numero de parolas que recullen os diccionarios mas importants d'os zaguers dos sieglos, asinas como o vocabulario total de Puixkin:

Obra	Anyo	Parolas	Notas
Diccionario academico, I Ed	1789-1794	43.257	Ruso y eslavo eclesiastico con bellas parolas perteneixients a o ruso antigo
Diccionario academico, II Ed	1806-1822	51.388	Ruso y eslavo eclesiastico con bellas parolas perteneixients a o ruso antigo
Obra de Puixkin	1810-1837	21.197	--
Diccionario academico, III Ed	1847	114.749	Ruso y eslavo eclesiastico con bellas parolas perteneixients a o ruso antigo
Diccionario de Dahl	1880-1882	195.844	44.000 dentradas agrupadas lexicalment; intento de catalogar a luenga vernacula, incluyendo-ie bellas parolas belorrusas u ucrainesas.
Diccionario d'Ushakov	1934-1940	85.289	Luenga actual con bells arcaismos
Diccionario academico	1950-1965	120.480	Diccionario completo d'o idioma moderno
Diccionario d'Ozhegov	1991	61.458	Luenga alto u baixo moderna
Diccionario de Lopatin	2000	c. 160.000	Luenga actual

Os filologos han estimau que hue en día o idioma puet contener entre 350.000 y 500.000 parolas.

"Русский" u "русский"

Como dato historico, Vladimir Dal encara insistiba en a segunda metat d'o siegle XIX en que a escritura correcta de l'adchectivo русский, que se feba servir uniformement pa referir-se a totz os subditos eslavos d'o imperio, asinas como la d'o idioma oficial, yeran русский, con una sola c (s), d'aluerdo con a tradición y lo que ell clamaba o "esprito d'a luenga".

Lo contradició o filologo Grot, qui afirmó que se distinguiban perfectament as eses, cheminadas u no, entre os dos termins.


Referencias

- ([en](#)) [The World's Most Widely Spoken Languages](http://www2.ignatius.edu/faculty/turner/languages.htm) (<http://www2.ignatius.edu/faculty/turner/languages.htm>). Saint Ignatius High School, Cleveland, Ohio
- ([en](#)) [Forget the Queen's English](http://web.archive.org/web/20070202224942/http://www.themoscowtimes.com/stories/2007/01/29/007.html) (<http://web.archive.org/web/20070202224942/http://www.themoscowtimes.com/stories/2007/01/29/007.html>). Mark H. Teeter. The Moscow Times, 20 de marzo de 2007
- Jones, Ward (1969:156)
- Halle (1959:22)
- Halle (1959:51-52)

Se veiga tamén

- [Rusofono](#)
- [Rusismo](#)
- [Rusificación](#)
- [Runet](#)

Vinclos externos

-  Se veigan as imáchens de [Commons](#) sobre **o idioma ruso**.
- **(en)** [Transliteración online d'a luenga rusa \(http://www.rusklaviatura.com\)](http://www.rusklaviatura.com)
- **(es)** [Cómo leer en ruso en 7 lecciones \(http://www.rusogratias.com/curso-como-leer-en-ruso-01.php\)](http://www.rusogratias.com/curso-como-leer-en-ruso-01.php)



Luengas oficiais d'as Nacions Unidas

[Anglés](#) • [Arabe](#) • [Castellán](#)
[Chinés](#) • [Francés](#) • [Ruso](#)



Fuent: [Pachina oficial d'a ONU \(http://www.un.org/Depts/DGACM/faq_languages.htm\)](http://www.un.org/Depts/DGACM/faq_languages.htm)

Obtenito de "https://an.wikipedia.org/w/index.php?title=Idioma_ruso&oldid=1639089"

Zaguera edición d'ista pachina o 1 ago 2019 a las 08:13.

O texto ye disponible baixo a [Licencia Creative Commons Atribución/Compartir-Igual](#); talment sigan d'aplicación clausulas adicionales. Mire-se [os termins d'uso](#) ta conoixer más detalles.